

光緒重修天津府志

重修天津府志卷三十五

考二十六

經政九

學校

天津府

天津縣附郭

府學在東門內本天津衛學明正統元年提學御

史程富奏設左衛指揮使朱勝將住宅施爲學宮

首建明倫堂及志道據德依仁游藝四齋

明失名創建天

津衛武學明倫堂記節錄天津三衛未有學正統紀元以武臣子弟皆將繼其祖父之職業以効用於時不可不素養而預教之乃命天下凡武衛悉建武學而立之師選武官與軍士子弟之俊秀者充弟子員於是天津及左右衛始有學首掌學事則司訓曲阜李君賜也君爲列教條正句讀導進

退諸生蹈矩獲維謹閱再期教授展山劉君俊司
 訓杭州詹君穆同來蒞學相與協力以作倡之乃
 者侍御程公又以老成宿學奉命督學事從而激
 勵之諸生咸思自奮發以期底於有成於茲蓋六
 七年矣余嘗以公暇詣學進諸生于明倫堂見其
 循循雅飭進止有序竊喜學校教養之有益於人
 也因若是哉教授劉君因以明倫堂記為請余辭
 勿獲敢以為諸生告按明代天津衛有儒學有
 武學儒學有教授訓導武學但擇武舉一人為科
 正是文實記儒學以所教皆武官軍士之子弟故
 亦稱武學又其時武學十二年大成殿成天順二
 年戶部員外郎監督軍儲解延年增建兩廡明汪淵創
 建天津衛學兩廡記節錄天津設學始於正統之
 元年其時文教聿興規度未備雖創建文廟而兩
 廡未立迄今二十餘年景泰丙子領教以來顧茲
 缺與未嘗不為唏噓發歎也天順戊寅適戶部員
 外郎樓震解公延年監督三衛軍儲謁廟之餘以
 稱漏為任乃首捐己俸為倡又集三衛官僚各出

俸有差於是耆老若高仲良蔣英高冕輩聞之遞相播告以樂助之凡材用之出入淵實掌之經始於是年三月落成於七月計若干楹設木主造香案如儀又以餘資增置正殿龕案重修橋星門皆以次成庸是謹具本
弘治八年天津道劉福修明末歲月以爲之記

倫堂展出前二十餘步修兩廡及四齋正德十一

年天津道高嶼重修四齋築牆垣射圃嘉靖四十

四年天津道黃中翔建名宦鄉賢二祠萬曆二十

九年巡撫汪應蛟重修

明文球重修天津衛學碑記節錄天津學宮其來舊

矣而士之孕靈毓秀致身青雲者濟濟不乏焉惟是歲月遼遠風雨震凌棟垣摧圯丹壁漫漶幾不學矣大中丞汪公以備兵至未幾秉受節鉞而開府焉首事學宮估值捐俸而下之檄爲文武倡諸凡更始悉以授觀察使張公張公體此意借不佞親詣視之凡至再歸而語不佞曰余家世東省闕

里規制暗聞頗不謬學宮有泮池制也門可近市
詳乎殿可就卑下乎文昌祠可任其湮沒乎啟聖
祠與名宦鄉賢可祀於廟之前乎總之非體也遂
集董事諸員役為之鑿池為之易門為之崇殿基
為之建文昌祠於東移啟聖祠於後而遷名宦鄉
賢俎豆於學之旁焉專其責於清戎李郡丞無一
不布置惟謹衛中諸將軍皆斌斌質有文者各率
麾下鳩工庀材趨子來而襄盛舉甫彌月工告竣
矣汪大中丞公名應蛟婺源人張觀察
使公名汝蘊章印人李郡丞咸甯人 崇禎元年

天津道石聲諧重修明徐光啟重修天津衛學記

錫之役與津之諸士紳遊詢知津故無學學於正
統改元初朱揮使勝相舍基建之嗣倪揮使寬請
增廣生二十名僅與邑額埒道化翔治人才浸盛
科第蟬聯漸成文明勝區至萬曆四十六年廩生
張希載援潼關例闕伏闕者三始獲奏允廩貢
如州制淹滯頓疏青衫輩益爭泮勵矣余猶記學
宮偏設東關歲歷滋久諸圍垣射圃咸就頽廢墜
址多為左右侵佔水道湮塞淫霖為祲無歲不苦

傾圮客歲閩南石使君奉飭備兵於茲甫下車謁廟周覽慨然以崇修鼎新爲己任旋值羽檄旁午倅倅未遑戊辰春政通人和使君亟撤清戎王郡丞專董厥役郡丞饒材幹毅然承之朝夕以黷舍爲署分任弁吏程其功經始於初夏落成於季夏工甫竣使君復捐十萬餘緡爲津創置雍陽邑腴田二百畝用資寒生之弗能舉火婚葬者使君諱聲諧西成人癸丑進士主君諱秉衡平涼人別駕蘇君諱鴻踰蓬溪人例得並書

國朝順治十年巡鹽御史張中元等重修

高爾儼重修天津衛

學碑記節錄津故襟海而治距漕河不數百武而城而隍郭以內去東門數武孔子廟居焉廟建於正統間橫亘古道盤旋蜿蜒水沿青海陸走黃塵而吳楚艘艘巨艦風四盪每疾風怒雨欲野歎雲呼許呼耶震撼颺盪致使殿廡日頽明季重修迄今凡二十餘禩要亦遞修遞弛如塞漏卮而沃焦釜則何裨焉順治癸巳春適嵯柱史張公中元巡歷至是謁夫子廟對越之頃不勝欷歔既而歎

三光緒戊戌

曰此吾儕根本重地亦若傾圮耶遂捐俸一百金
並前柱史楊公義二百金爲重修津學宮費時總
戎管公効忠甘公應祥計使君蘇公霖陳公襄鹽
憲使徐公來麟兵憲李公呈祥鹽使者牛君藩劉
君進禮各捐俸數百什金又有顯人大賈暨本庠
諸博士弟子員輩俱各仰承上之德意亦皆欣然
輸助又有學博呂子應兆齊子國璧庠弟子數
人會計貲值校核功績躬勛厥成不置餘力而兵
憲公獨以身總其凡於是鳩工庀材百堵皆作工
始於癸巳之春二月告竣於季夏之六日而後先
董斯役與夫諸執事爵里名姓俱載碑左是爲記
俞宗濂按前志引衛志云順治十八年天津道
副使李呈祥重修考職官天津道李呈祥於順治
十一年已易任不合故刪 蔡啟盛案盧見會記
言自順治十年至康熙四十七年而修者四 康熙
尤可見中無李之一修今不入正文宜也 康
八年巡鹽御史李棠等重修李棠重修天津衛儒
熙七年戊申借孟公巡鹽長蘆爰蒞茲土往昔鹽
使者留居邸舍聞巡行之役一再至津門而余軫

商竈之艱難念吏弊之叢蠹大欲整施釐剔之始請駐節於斯以朝夕經紀其政下車之始謁先聖於學觀廟貌摧頽堂廡圯壞慨然於文教之不振思有以倡率而鼎新之視事以後搜宿弊除腴削省額外之科斂商竈稍稍甯息民計藉以安堵乃首捐薄俸庀材鳩工諏吉興作自運使以下聞風樂趨諸紳士與慕義之民交相鼓勵畚揭如雲斧斤雷動至康熙八年己酉三月而告成乃鑄真珉以紀

歲月十二年天津道薛柱斗重修四十七年重修

雍正三年衛升州因爲州學九年設府因爲府學

十一年巡鹽御史鄂禮知府李梅賓知縣徐而發

重修蔡敬盛案前志引通志縣學在府學西雍正十二年總督李衛建殿廡云自後有兩學皆

並修故縣乾隆三年知府程鳳文重修明倫堂顧

重修天津府學明倫堂記節錄天津舊屬衛地其

國朝雍正間由衛升州由州升府學宮則仍其地不改第歲久勿治陳丹暗粉難爲觀美前守桂林李公撤而新之獨明倫堂舊址畚築不堅構榑欹仆今太守程公以龔黃之治行出守是邦撫卹噢咻兆庶康悅朔望則率其令長及郡學博士謁先師廟集諸生而訓迪之顧瞻斯堂將就傾圯慮無以爲宣化地也急割俸錢若干而益以廩膳羨貲詎日庀材凡楣楔枳桷榑榑之屬或棧或壑或聖百廢具興肇工於乾隆三年二月日告竣於五月日堂既成諸生謁予請記予謂是舉也用不濫材工不曠役施之而得所先務不容以不文辭爰憚其本末并推原賢守以經術爲治術之意而鏡之於石

八年鹽運使倪象愷重修十六年鹽運使盧見會重修

盧見會碑記節錄天津東距大洋船鹽筴百貨之輻輳又自明以來爲軍衛之地其改爲州治因而升府幾三十年人心風俗之漸染於功利猶有未克丕變者所以崇奉學官習祭菜鼓篋之儀以播弦誦之雅化視他郡尤爲亟政理之要莫有先焉歲辛未余遷長蘆鹽運使始至

釋奠仰瞻殿壁彫剝門廡欹斜橋星門內外水階而蘆茂席板以渡迺得進而瞻禮頽垣通市完者亦卑不及肩爲慨然太息者久之謀修建於臺使者高公恒公曰吾志也按察司副使董君承勳知府熊君繹祖聞之交贊其事迺簡官司之能受功者率作興役疏其水而去之使無復淤雜其草而絕之使無復茁垣宇所設增其庫植其傾木石所施汰其朽任其壯濼之聖之是役也經始於乾隆辛未七月其落成則以十月庚子凡八十五日而畢工計財用之費爲金一千一百有奇云抑考天津於明之正統始建學宮歷景泰至崇正二年而修者五我

朝

自順治十年至康熙四十七年而修者四雍正九

年陞州爲府十一年知府李君梅賓修建府縣兩學迄今甫十八年而修者三是何後之修者若是其亟歟余維津爲水鄉水不治則壅壅則地潰宮之垣墉屋舍因以頽圯官斯士者苟其以時疏濬而葺治之母視爲緩圖斯則余之所臨文興歎而不能無望於同治二年蘆商楊成鈺縣人張錦文後之人者也

等重修

前志參縣志 吳惠元重修郡邑學宮碑
記節錄粵楷津郡學宮建自前明正統間

初爲衛學

國朝雍正三年改爲州學旋改府學至十二年開府
李敏達公復請於府學西增建縣學規模宏敞由
來舊矣壬戌冬蘆商會議復修計引出貲庀材鳩
工自府縣兩廟前後兩殿兩廡兩祠以及大成門
凡龕座香案門櫺簷廊屬在木工一時並舉時逾
四月貲近五千而神位於是各安至於櫺星門泮
池橋文昌祠奎星閣禮門義路堂階垣墉有基者
少應創者多籌款無從厥功莫繼邑人張錦文慨
然任之爰請各官捐廉以爲倡凡前之未逮者創
之因之雕聖之丹牖之計自
癸亥四月至甲子五月工竣

學額原額歲科試各取文童二十一名歲試取武

童二十五名咸豐三年因團練出力保全城池加

廣文武額各五名自咸豐六年歲試始廩膳生四

十名增廣生四十名一年一貢

縣志參
學冊

長蘆商竈兩籍重經鹽運使考取彙送學臣附河
間考試取撥河間府學設府後改撥歸天津府學
原額文武各取十二名商竈各六名康熙五十二
年加廣文額二名合前十四名商竈各七名武額
仍舊同治五年因捐輸加廣商籍文武額各六名
、竈籍文武額各一名自同治六年歲試始廩膳生
二十名增廣生二十名廩生向不食餼並不挨貢
自雍正十年總督劉於義奏準二年一貢

前志參
長蘆鹽

法志

縣志

縣學在城東門內府學西雍正十二年總督李衛

題建

縣志

嘉慶二十一年縣人董岱等重修同治二

年與府學同修

同上

學額原額歲科試各取文童十八名歲試取武童十五名咸豐三年因團練出力保全城池加廣文武額各三名自咸豐六年歲試始咸豐八年因縣人張錦文捐輸加廣文武額各三名又因續捐加廣文武額各一名均自咸豐九年歲試始廩膳生

二十名增廣生二十名二年一貢

縣志參學冊

校士館

一名試院

雍正十一年鹽院鄂禮捐俸創建同

城職官并紳商悉有捐資在東門內南隅

前志

嘉慶

二十一年天津府知府張大維督同候選州同陸

芬捐資重修道光十九年天津府知府恆春督同

邑人王文通黃士琳捐資重修

縣志

學田河北地共八十一畝六分

前志

尖山莊地共二十二頃五十畝

同上

武學初設西南城角樓上萬厯四十年天津道高

邦佐移建城內西北隅三衛掌印指揮張文學趙

如祖楊大慶監修每三歲試騎射論策掄數十人

大學擇武舉一員訓之名曰科正事專董於兵備

道不隸學使者武生能文中學院試者復得進儒

學

前志引衛志
河間府志

國朝雍正十一年巡鹽御史鄂禮知府李梅賓重修

後裁歸儒學

縣志

三取書院在三岔河東岸舊爲趙公祠康熙五十

八年修築瞿黃口岸其地適當隄尾乃建書院乾

隆二十年縣人王又樸與士商捐修學舍十二間

每歲經費由商欸捐領欸項內支給嘉慶六年衆

商重修同治七年洋人借住於此移置河東鹽關

廳後光緒十三年經通綱商人拓地改建

縣志參
長蘆鹽

志法

問津書院在城內鼓樓南乾隆十六年長蘆鹽商

查爲義施地鹽運使盧見曾建屋五十九間盧見曾問

津書院碑記節錄通都大邑往往設有書院士習

京師

左輔顧闕焉未與余竊病之前太平府通判查

君爲義告余曰家有廢宅在運署之西南隅其地

高阜而面陽形家以爲利建學盍莖之莖從白之

總督方公觀承署鹽院高公恆均報可爰庀材鳩

工位其中爲講堂堂三間前爲門後爲山長書室

而環之以學舍凡六十有四間計費白金二千四

百有奇經始於乾隆十六年辛未八月落成於十

七年壬申二月適吉公慶來視鹽政爲延名師立

教條入學鼓篋宵雅肄三賓謙禮成容止有秩越

翼日諸生踵門謁請所以名是書院者爰進而詔

之曰若濱海亦知夫海乎孔子之道猶海也學者

斷至乎道而止今之制義其津筏也學者因文見

道譬如浮海者正趨鼓楫候勁風揭百尺維長綯挂帆席然後望濤遠決乘蹻絕往以徐臻乎員嶠方壺蓬島之勝若自厓而返與終身於斷港絕潢而不能達者皆不能得其津者也今姑導使問焉毋致眩惑於沙洲之雲錦遵忤於暫曉之蜩像則庶乎其不迷於所往矣因述緣起而名之以問津云

尚書錢陳羣額其堂曰學海每歲經費由閒欸生息項內支給乾隆五十七年鹽運使嵇承志重

修嘉慶六年衆商重修光緒二年鹽運使如山增

學海堂經古課

縣志參長
蘆鹽法志

輔仁書院在城西北文昌宮旁舊爲海潮菴道光七年縣人侯肇安等捐建天津道金洙撥欸生息知府陳彬知縣沈蓮生捐貲置地收租爲歲用經

費縣志 金洙輔仁書院碑記節錄道光七年歲

在丁亥之春余自保陽觀察天津下車未久值
郡人士重修文昌宮落成二月三日恭逢帝君誕
辰率屬設祭周視殿廡規模煥若時董其役者爲
邑紳侯君肇安王進士天錫梅舉人成棟適來白
曰廟宇旣成擬將聚士林會文其中以立月課余
聞之欣然善其意之有當也爲酌立朔望兩課朔
日齋課郡人公捐辦理望日官課分道府縣三衙
門輪流閱文隨意捐廉以爲獎賞飯食之用黎明
齊集日暮交卷行之莽年人數絡繹加增其中二
三翹楚學有進境轉歲列優等者七游泮者九未
可謂無成效也因思不有經費終難垂久細爲籌
畫撥借庫欸大制錢入千串發賢庫生息每歲息
錢半歸庫本半充課用時郡守陳公捐施地九百
餘畝邑令沈公捐施地二百餘畝歲入其租用助
膏火就廟旁海潮菴立爲輔仁書院甄定生童額
數入十名酌議條規入則學規十六則交執事人
等遵照辦理議甫定郡人士請記於余以示將來

會文書院在城東門內倉廩前同治十三年鹽運

使祝塏知府馬繩武縣人屢舉信等建

案

馬繩武建立會文書院碑記書院為造就人材之地

國家崇儒重道文教誼敷其自通都大邑以及僻壤

遐陬莫不奉為良法俾多士肄業其中人文於斯

稱盛焉天津地濱東海土沃泉甘邑人士麟麟炳

炳之暇傑風流至今推為文藪子庚午來守是邦公

餘之暇課士於輔仁書院佳文林立美不勝收此

外尚有問津三取兩書院與輔仁鼎峙為三數十

年來科第之勝甲於他邦大抵得力於書院居多

然皆為生童而設孝廉不與焉甲戌冬邑紳婁貢

生舉信稟請於文廟之後議建會文書院專課舉

人子深嘉其意為促成之惟事經創始經費頗難

適祝觀察塏署任鹽運司篆情殷樂育準由運庫

雜款內歲撥津帑千緡著為常例作每年膏火雜

費之用並倡率同寅捐廉資助除建造課土學舍

製買院中器具外其餘資發質庫生息以備不急

之需如再有不敷仍由本府籌款補足一歲課試

日期按週司津海關道天津道本府及分府縣合

輪轉每課獎賞各官自備至院內一切應辦事宜
查該貢生婁舉信公正廉明堪以經理並約舉人
教習知縣陳增宗學教習陳法錄舉人楊光儀候
選訓導王錫恩廩貢李金海附貢繆嗣龍輪流值
年協同幫辦斯舉也萃興廉舉孝之英賢成敬業
樂羣之盛事尤願諸君子顧名思義互相觀摩行
見通經致用凌古錄今不特爲閭
里幸實足爲邇家光也是爲記

稽古書院在城西門外稽古寺俗呼鈴館閣光緒

十三年知府汪守正縣人楊雲章等改建

檔冊汪守正

創建稽古書院碑記天津郡城西北隅稽古寺向
爲文人會集之所自光緒五年寺僧沙圓不守清
規變產浪費經紳士崔銓等公同稟送前署府吳
訊明勒令沙圓還俗一切廟產撥歸書院事不果
行茂丁亥三月寺僧普澤復蹈沙圓故轍盜典廟
產該紳士崔銓等遵照前案稟府核辦維時普澤
聞而潛逃寺已無僧崔銓等遂敦約邑紳楊雲章
等十餘人沿該寺稽古之名爲設立書院之請又

以津郡各書院均課制藝試帖不及經古雖學海
堂有經古課亦祇寓於問津書院中從無專課經
古書院因請以此書院專課經古將以講明正學
實事求是於是乎在焉惟創建伊始經費未充每
月祇考官課未立師課俟日後經費漸裕延聘山
長務以主講為先月課次之肄業者聽其住齋日
給膏火俾得專心積學養成遠到之才蓋眾紳講
明正學實事求是之本心如此縱未能刻期集事
然始基已立踵而行之不十年必有可觀者矣議
既定擬就章程若干條稟請核示余嘉其立法之
善而用意之深且遠也爰就所擬章程量為更定
詳請各憲輪課於以表彰實學培養真才甚盛事
也惜未及開課甄別而楊君雲章遽歸道山嗣經
眾紳和衷商榷事乘承於余復以經費待籌向
余一再請余為籌捐千金令邑紳集捐各欸共三
千金發質庫生息俾充月課經費又於羊行經紀
畝餘項下歲撥津錢一千二百串作為建造講堂
學舍及歲時修葺等需經久之模畧具於此至於
續籌欸項逐漸擴充則後之官斯土者當有能力
任之者耳抑余尤有望者凡事易於圖始難於成

終是書院既以山長主講肄業住齋爲務則自今
以往經畫正非易願衆紳一乃心力共底成功
母稍卽於因循苟安於闕畧卽爾肄業人等亦
各宜讀書立品母或囿於時趨焉斯則余之所厚
望也夫是役也折衷羣議有開必先者楊君雲章
也首捐鉅貲爲衆紳倡者黃君寓翰單君文王君
自新也始終區畫必躬必親者張孝廉紳王孝廉
承勳張茂才淑艾也其協力贊助相與有成者則
崔茂才銓吳茂才蔚文胡茂才象樞王茂才世樾
王君士俊朱君世鎧也並勒貞珉用示來者是爲
記

天津試館在京師正陽門外東珠市口同治三年
商人華集成及天津各紳商捐建其按年歲修等
費經鹽運使克明詳定在領告雜費項下撥銀二

百四十兩以資津貼縣人沈兆澐有碑記

采訪冊

義學 一在城內東北隅雍正七年巡鹽御史鄭

禪寶建每歲束脩銀六十兩運署公費項下支給

縣志 一在東門外南斜街雍正九年鹽運使彭家

屏建每歲束脩銀六十兩運署公費項下支銀二

十兩商人金義泰來號捐銀四十兩案此二處今已不見設立

應卽在後載運署義學十處之內 一在總鎮署前雍正九年總兵

袁宏相捐建今廢同上 一在城內西街雍正十一

年建舊通志 一在西門內城隍廟東 一在河東

一在東門內 一在北門內大儀門口俱康熙

四十七年天津道李發甲詳建有地在葛沽歲入

租銀租米支給四館前

志

運署義學十處城內五處曰集益設在節孝祠曰博文設在牛痘局曰廣業設在蕭曹祠此皆官房又曰務本曰約禮城外東三處曰養蒙設在河東瞿黃口蠶桑局曰興仁設在鹽坨義地看守房亦皆官房又曰正誼西二處曰尙志設在南閣曰修道設在雙忠祠亦皆官房其非官房之三處皆儼寺廟或有遷移又總塾一處設在會文書院卽曰會文均係同治四年運使克明創置八處光緒九

年運使額勒精額增益

采訪冊

闕道署義學九處城內五處曰崇禮設在考棚官房又曰崇訓曰崇仁曰崇本曰崇德城外東三處曰崇化曰崇術曰崇業皆僦寺廟西一處曰崇道設在稽古書院官房又總塾三處曰崇文曰崇正曰崇敬皆設在會文書院均係同治十年津海關道陳欽創置別有鈔關義學四處其名未詳同上道署義學二處光緒八年天河道額勒精額商諸運司籌款建設義學二十一處內津府屬共十處在天津縣二處曰允仁義塾裕仁義塾檣案又葛沽前有義塾一處光緒二十一年增設一處經費係

撥款存典生息

采訪冊

府署義學二處光緒二年知府馬繩武建曰興仁

義塾在會文書院曰興讓義塾在貢院

櫛案

大沽義學名忠正義塾同治十三年署海防同知

宋寶華詳院立案以生鹽船出入向收稽查費每

船津錢一千九百文現經核減祇收六百文並以

其半充義塾經費

采訪冊

縣署義學四處一在忠義祠一在文昌宮一在大

佛寺一在城隍廟同治四年知縣楊國杞捐建

縣志

義學田 葛沽地共五頃一十一畝七分二釐內

房身場園地七十二畝三分六釐除建屋外淨園地五十四畝五分共納租銀二十二兩三錢二分莊房八十二間除倒壞房及官房碾房空房莊頭住房不起租外實起租房五十八間每間租銀六錢內撥莊頭每間工食銀五分并完地糧銀四兩八錢二分每年實收租銀二十七兩八分水稻地四頃十三畝九分六釐內除無租硬地四十五畝六釐又撥莊頭工食地三十畝實起租稻地三頃三十八畝九分每年納租米九十三石二斗五升雍正四年天津道每畝減租米五升每年實收租

米七十六石二斗五升二合五勺

同上

青縣

縣學舊在城內元末頽廢明洪武初知州瞿子貞
重建四年知縣李敬移建城外衛河濱永樂三年

知縣蘇俊弘治三年知縣劉素十四年知縣周忠
俱重修萬曆十三年因逼近衛河知縣王思賢移

建於西

舊通志參縣志
記節錄青縣故號澤國隸渤海郡洪武初

明馮琦青縣改建儒學

詔天下郡縣置學青學宮暨縣治俱拓基郭外時
水漫守者罔計負薪沈璧則爲徙廟入城而儒
學乃居舊治東去河彌近浩浩泮多土每觀汪
洋太息往令亦數志改建欲請諸上則念工役浩
繁百姓咎窳莫可支且以長吏諸督責事交關旁
午未報吏胥惴惴恐後以土木貽他日罪狀竟無

敢首議者而水勢決蓄益甚漸且圯不可振王尹
甫蒞青卽視學謁先師周視而歎曰奈何以吾夫
子宮牆置波濤間乎遂請於郡守錢君錢君重文
學首肯王尹議乃議發帑金三百餘庀材鳩工改
建廟於舊縣治地而守道王君及錢君王尹相與
捐贖金以助不給不日而廟貌更新焉祠齋廡舍
靡不畢治事竣錢君走簡屬子爲記子故樂得而
書之 明鄧宗齡重修青縣儒學記節錄青縣故
稱青州洪武初知青州事瞿子貞奉旨創建學宮
久之傾壞成化閒蘇尹俊復修之顧其地迫御河
水一漲溢輒爾衝圯頃之王尹思賢至謁廟咨嗟
者久之爲請於兵憲帥公曰某待罪下邑不能昭
宣令德使諸生抱遺經托處敝宇甚不稱朝廷崇
化 士至意願請更葺之未及舉事帥公且行王
公以代至區畫主持捐俸佐費爲慮甚周郡太守
錢君推二公意卽以其事屬王尹王尹奉命惟謹
徵材商度乃移於舊址之西大成殿戟門櫺星門
舊皆土瓦今以琉璃易之殿堂門宇齋廚亭舍秩
秩改觀又新創尊經閣文昌祠泮宮悉如制兩廡
故十二楹今增十四堂後故無室今增其三練以

周垣飾以丹堊費省而工成工成而登制科者應焉乃徵記於余 蔡啟盛案徵到縣志漫漶而前志不錄鄧記故無可校補

國朝乾隆三十四年知縣李廷樞四十三年知縣桂

正順五十九年知縣袁璣嘉慶四年知縣孫宗椿

俱重修

縣志

學額歲科試各取文章十五名歲試取武童十二

名廩膳生二十名增廣生二十名與濟歸併廩膳

生十名增廣生十名二年一貢

縣志參學冊

學田大輔莊地十頃房十間明萬曆三十一年縣

人姚泳捐置

縣志明聶世潤置學田記節錄青縣故無學田有之自姚生始姚生諱

涿縣學廩生夙以學行者急施子辛丑十月余將有事學官生謁於余曰願捐大輔莊地十頃房一院入之公而命之曰學田計每歲入以飭祭器修垣宇凶歲出以贍貧生或有裨也余喜之曰義哉生乎查其地去縣方三十里而非遙辦其等中與窪窪者不類民劉應時等佃焉惟是地內稅糧除之便余以諸生計白之當路時汪先生晉少司空階未去其境報可第地稅可免而正糧不可免仍照縣賦則每一畝令佃戶輸銀入釐其徭銀攤之於縣云又議租柴之入首貢生主之比照府收學租例收支糧草季報循環庶可憑稽覆而免侵冒誠慎之已上之督學使者高公報曰可田東至石園柱南抵甯文元西接李允中北接劉應節各一院凡十間每歲租一百地爲界共十頃上有房一院

石二十

國朝順治七年因地荒仍爲業主承種康熙十二年編入民冊行糧涿會孫姚廷亮姚則虔等控告經

天津道薛柱斗審斷改正

判贖附錄審得生員姚

子孫於故明萬曆三十一年閒捐入學宮歲收租穀百二十石薪千束有年以飭祭器飾垣宇凶歲以贍貧生佃輸收支經畫詳密其時縣令聶世澗復立碣鐫文垂之永久夫豈不欲世世子孫恪承先志而弗替乎迨明鹿失馭

與

朝定鼎草昧之初經理無人拋荒日久事或有之順治七年姚泳有二門會孫鳴虞者藉口開荒據

旨纂修

爲已業迄今二十三年所在闡學士子以爲姚氏所捐之田而姚氏子孫私有之可置勿問而姚氏子姓又謂名存則實存亦因循不較及今奉

邑志草創告竣將學田一項改爲地荒遺累仍招

業主承種編入民冊行糧是前此雖無其實而猶

存其名今則名實俱失姚廷亮姚則虞等爲泳長

門會孫上閩學宮之圯廢修葺無資下傷祖宗之

義施湮沒不紀所以一倡羣和環起而攻之也無

論田非窪謙碑誌可考卽使鞠爲茂草果屬鳴虞

所墾然二十三年之籽粒亦可酬其牛種之資矣

鳴虞不自省其過舉乃反誣過於父且謂父命當

遵夫祖與父孰重而孰輕捐施與佔鄰又孰是而孰非鳴虞不權事之輕重是非承祖之志幹父之蠱而媿媿辨析者何爲也試問姚氏子孫今之蟬聯鬻序而輝映鄉國者又孰非乃祖好義之報而忍使崇敬先聖之功嘉惠後學之意一旦漸減而無餘耶具控者原非爲私則受控者豈得爲公廳審己明道訊無異應將此田十頃斷自十三年爲始另募佃種歲收租薪俱照當日原議石刻支用鳴虞再不得過而問焉應納賦課俱於歲收內辦抵自與鳴虞無涉至一應承佃之人收貯動支等事仰清軍廳檄行該縣傳集諸生公議妥確報道存案務爲經久之圖勿開侵冒之竇仍將縣志內編入民冊字樣卽爲改正其本道審看情由亦令載入志內以成鐵案用表前徽逐一遵行俱毋違

錯
縣志

會川書院在城外城隍廟街乾隆四十九年建

縣志

永安書院在縣城東關咸豐六年知縣盧寶臣敎

諭張勝亨訓導謝棠等重修

同上

光緒十九年縣人

甯世福遵其父大林母胡氏遺命捐銀一千兩二

十一年續捐銀二千兩經知縣姚爲林置買徐李

莊廟地十五頃餘畝招佃承種收租鹽運使季邦

楨復撥公款銀二千兩發商生息歲入租息充書

院經費

稿案

社學舊在儒學南知縣邵用移建城內今廢

縣志

義學在東關康熙五十三年建今廢

同上

道署義學曰安仁義塾光緒八年天河道額勒精

額建

采訪冊

靜海縣

縣學在縣署東南明洪武初建

舊通志

永樂初知縣

崔衍成化中知縣劉照嘉靖中知縣普濟時俱重修天啟五年署知縣張懋德登泮池

國朝康熙三年訓導辛起尹十一年訓導馬方伸相繼修兩廡咸豐三年經寇毀同治十一年知縣鄭士蕙重建

縣志

學額歲科試各取文章十八名歲試取武童十八名廩膳生二十名增廣生二十名二年一貢

縣志參學

學田灘子頭村六頃十五畝王家莊三頃二十一

畝歲租均歸儒學經理

縣志

瀛海書院在北門外永豐街道光丙午重修縣人

唐淑撰碑記

同上接
記文失載

義學 一在獨流鎮初名養源義塾雍正五年建

同治九年縣人岳山重修十二年知縣鄭士蕙置

旱田二頃有奇光緒七年知縣陳以培置水田四

頃有奇以備經費十七年知縣宮昱以田皆被水

租無所出月捐津錢八千歷任因之二十年知縣

史善詒復按月加捐津錢二千均經立案更名一

善義塾 一在獨流鎮十善堂光緒十九年知縣
史善詒建由十善堂歲撥津錢一百二十千爲經
費名元善義塾 一在獨流鎮與元善義塾相近
光緒十九年縣人夏永福捐建知縣史善詒照元
善義塾例由十善堂歲撥津錢一百二十千爲經
費名福善義塾 一在北劉村光緒十九年縣人
高廷愷等捐建並歲捐津錢六十千爲經費知縣
史善詒由十善堂歲撥津錢六十千津貼名萬善
義塾 一在瓦子頭村光緒九年村民創建知縣
陳以培由差徭項下歲撥津錢一百千又由村內

義利糧棧歲認捐錢一百二十千爲經費通詳立案名修善義塾 一在瓦子頭村光緒十九年慶德興糧棧捐建照修善義塾例歲捐津錢一百二十千名懋善義塾 一在城西門財神廟光緒十九年縣人吳鳳如等因求免王官屯高官屯呂官屯三村差徭公捐津錢九十四千文建設義學知縣史善詒批准立案名同善義塾 一在良王莊光緒十九年縣人陳治平等以每歲差徭應交津錢五十千求建義學改供經費知縣史善詒批准名明善義塾並置張吉人等河灘膏腴地招佃納

租歸十善堂儲用並津貼各義塾經費通詳立案

一在當城村光緒十九年縣人高偕堂等以每歲差徭應交津錢一百二十千求建義學改供經費知縣史善詒批准立案名樂善義塾 一在第六堡光緒十九年署典史張鴻馨以縣人郝永盛等每歲應交捕署雜差津錢六十千詳建義學改供經費知縣史善詒批准立案名從善義塾 一在唐官屯三官廟光緒十七年縣人康熙蕃等以土地祠廢基捐資改建並請以慈雲菴靜園寺土地祠三廢基出賃民房收租以供經費知縣史善

詒批准名至善義塾後自捐足錢一千串發商生
息每歲息錢一百二十千並資誠善義塾津貼通
詳立案 一在唐官屯藥王廟光緒十九年知縣
史善詒建名誠善義塾經費同至善義塾 一在

城內北街原係社學名養正義塾久廢同治九年

縣人李壽桐重修

鄭士蕙建修義學碑記節錄廩生李壽桐之兄壽昌正士也嘗

欲設立義學聚貧瘠子訓迪之使之知道理戒游蕩正心術端品行惜其志有餘力不逮也同治六年壽昌沒疏親遠邇感生前可敬蒲伏往弔約計贖購得三百六七十金壽桐曰比足償吾兄未遂之願也爰買縣署西魯家衝街口路東正房四間東西房各二間價京錢四百緡修理一百緡爲童蒙誦讀之所而以入百緡按一分二釐發商生息爲延師脩金之用懿哉此舉雖祇數百金而其所

關風化者大矣哉古者家有塾黨有庠所以基養正之聖功今之靜邑何如哉男當十歲上下囚首喪面裸戲如猿因戲而鬪傷其父母曲意袒護及長黠者匪愿者傭不知孝弟罔顧廉恥李壽昌謂嬌慣幼孩以致人情日媮非無見而云然也今者壽桐繼兄之志俾枌榆之社成人而在始而髫齡日侍於嚴師之前則曠野之性漸化忌憚之心漸生卽不必遽要科名而心中旣以聖言爲主自不致外倫常而踰閑檢况推而擴之設義學者日衆矣壽桐特其權輿耳靜邑不且如鄒魯也哉 光

緒十八年知縣史善詒提歸官辦改名復善義塾

一在城西門三皇廟光緒十九年知縣史善詒

以復善義塾經費尙充增建名育善義塾 一道

署義學二處日會仁義塾培仁義塾光緒八年天

河道額勒精額建案

滄州

州學在城外西南隅明洪武初州判紀惟仁建宣德六年知州劉謹學正潘振增修正統八年巡鹽

按州志

御史丁澄鹽運使鄧崙知州上官儀重修

明陳循重修滄州文廟記節錄上自國都以至天下州邑無不有學而滄州在畿內密邇輦轂尤爲至要學則在州治之東南三百餘步蓋自洪武之初隨州治所遷者其地漢屬渤海郡唐改爲滄州屬河間郡州治舊在長蘆東四十里今所遷處卽長蘆也方州治之遷也百務並興故廟學之創略取具而已後雖續有增葺然皆卑陋無足以稱興賢育才隆教化厚風俗之意正統庚申知州上官儀下車首以爲患會比歲歉不得有爲又明年監察御史吳興丁澄以按治畿內至滄州因謁廟學見之咎其爲州者曰是顧非所當務耶於是與鹽運使鄧崙率州長貳以及庶士與凡仕宦商賈於

是州者欣然聚財鳩工敬其舊而新之經始之日
又發地得銅錢踰數萬文足以助供役之費落成
於正統癸亥八月之望蓋距經始之期爲日凡百
五十有五既落成之三年刑部侍郎馬公昂以少
常游是學爲具其事來屬文爲記因爲書之使凡
來從游於是者知廟學之所成不易而加勉焉以
不負都憲御史州官與

正德九年巡鹽御史余珊

重修

明祝祥重修儒學記節錄滄州爲河間屬郡
古渤海地也路當要衝土廣民稠最爲繁劇

正德辛未秋七月流賊橫行剽掠人民焚燒廬舍
儒學舊在滄州南門右樞星門明倫堂尊經閣儒
林坊俱火大成殿兩廡齋號公廡楨頹亦从癸酉
巡按吳公徐公觀茲殘毀感慨不已欲修而未暇
及甲戌巡按余公駐節於茲因謀於眾曰拜謁大
成進講明倫乃遵憲綱定制也旣無瞻仰之儀又
無升降之階良可歎也適南京戶部尙書陽曲張
公致政寓居贊助其謀遂經營木石鳩集工役令
州守高夔董其事亦能勉焉以盡力不一年而告
成功儒星門明倫堂皆重建視舊規模宏敞其餘

殿廡齋號煥然一新起工於甲戌七月至乙亥四月落成師生悉以爲盛事屬予記其始末雖不能文顧自學校進身遂不敢辭也余公名嘉靖十三珊字德輝桐城人因記歲月於是云

年巡鹽御史鄧直卿鹽運使郭五常重修明鄧直卿重修

文廟記節錄滄州儒學在城外南一里許中遭兵火前御史余君修之未竟厥功因仍歲久益就荒陋予以巡歷抵州晉謁文廟旣而周視學宮深惟弗稱是懼於是權宜區度得罰鍰百餘兩運使郭君五常以學徒多出鹽籍又捐俸助其不足迺命學正方宗重訓導陳憲邵東周共司其事義民王珍素以能幹名僉舉之俾監督焉經始於秋入月暨冬十一月落成予以是月復至州詣學則見內而殿廡翼然整飭矣外而泮池廓然充拓矣前而櫺星門葺其摧折峙然竦立矣後而明倫堂齋居舍迄於膳所撤陳易新秩然有序矣二司訓宅舊極狹隘迺鼎增厥宇垣墉傾圮者循堵以築赤白漫漶者用罔弗修煥然其改觀矣於二十七年知是學正方子請醵諸石以詔多士

州左翼重修

明王紳重修儒學記按此記州志失載

萬厯中知州王

堯封李夢熊相繼重修

明王國祚重修儒學記節錄郡守李公由棗強令守

吾滄下車之明日詣學宮謁先師歷觀所謂傾頽狀喟然歎曰茲何地而可合傾頽若此將無爲守土者羞乎及博士諸弟子以前人未竟對則曰今日之事我爲政安所諉前人也于是命博士諸弟子計工備度財用擘畫而更新之殿廡之蝕者廊署之圯者垣墉門戶之壞者一一爲之起其敝增其式又移垂教萬世坊於學之南衢以樹達觀移敬一亭於學之東壁以昭聖訓通計所費不下數百金皆自公措置而激勸者經始于是年之春正月落成于夏六月二百年來之傾頽一旦改觀居然一闕規模也事竣諸博士高公誼謀立石而索言于余不佞辱薦紳之後爲諸縫掖名教先曩於圯敝之餘會少據未議爲興舉首今值公爲先聖拓宮牆爲師儒闢堂奧禮門義路視昔增而麗焉時新補弟子員園橋門因而展閱與同袍輩擊節者久之屬訖工功偉矣安能默然不爲揚詡也

平公名夢熊號懷
二上黨之長治人
四十四年知州李騰蛟學正顧

震宇重修

國朝順治九年鹽運使徐來麟知州龐宗周等重修

王公弼重修滄州儒學記節錄吾滄學宮再修于
萬曆丙辰迄今士之售南宮者十有六人養鄉傳
者三十有三人僑居者不與焉建夫仕宦之隆菁
莪之盛丙戌則鼎甲丁亥則會元如午科則戊庚
壬者三元而壬午則同榜八人丙辰以前未如是
也夫前未如是之盛而盛於丙辰以後則培毓靈
秀葆艾人文皆諸君子修營之徵驗也茲三十七
載矣風雨摧蝕日漸傾欹壬辰春雩憲三韓徐公
諱來麟司任於蘆慨然有太平張公之志且以世
風不競隱然懷昌黎闢異崇本之思爰進諸鄉士
大夫諸生而謀所以新之乃毅然首倡與分司海
豐牛公藩藩陽劉公進禮經歷安慶唐公胤隆知
事餘姚宋公德滋刺史文水龐公宗周州倅義州
李公朝事吏目山陰王公元俊守禦義烏金公堅

學正漁陽李公復元司訓恆陽李公奇脩各捐俸若干金闔郡紳士商庶共以私錢若干萬爲助自春徂夏煥焉一新其宮牆堂構一遵成式茲不瑣及斯役首醴司諸公極力鼓率而刺史龐公慨然以正學爲己任爲之多方輪勸樂襄盛舉至于攷邇焦勞勤劬罔懈以督其事者則經厯唐公學師李公諸生王應命李躍成王文明楊曦董十四年成之功也工竣廣文兩先生以碑記屬弼

知州李進孝重修十八年鹽運使盧紘捐修

盧紘重修

儒學記滄之爲治與長蘆舊分二城滄城濱海而長蘆居河之溪相距四十里自州治移於長蘆而藉地理者但知滄州不復言長蘆矣長蘆使者專司釀政所隸有鹽場有竈戶因而有竈學有竈生州另有庠各不相涉自長蘆旣併於州庠雖隸州司釀者亦得過而問之矣滄庠在南門外邊當長蘆署前按滄在漢唐間賢人君子固接踵以出而近時人文蔚興德業彪炳有位公卿者矣有冠南宮者矣有先對策者矣雖聯翩不替而膠庠乃發祥之地歲久而圯非所以肅觀瞻也絛忝斯任爰

及乃僚及守茲土者諒誠營度鳩工庀材殿榭庶
楹以次修舉於時州之鄉先生咸樂襄其事若士
若商亦爭慕義以輸厯春徂夏將底厥成於時巡
使使者適按部行事郡伯司理暨諸邑令咸集於
茲會觀其盛塗墜丹雘完美無缺因憶滄庠臨河
負海左挹清衛右控津門人傑地靈於斯焉聚似
無容補助於其間然飭几筵以安神重師儒以嚴
教凡宦茲土者固未可諉曰美鍾自然而我無所
事事也矧學士筮仕牧民所治非財賦卽簿書其
能明於樽節愛養之術而不肯爲俗吏所爲者必
其爲聖人之徒也則大崇儒學亦曰無忘其本始云爾

康熙五十年知州王

士銓學正賈卽元重修乾隆七年知州徐時作學

正莊日榮增修道光二十六年知州李步瀛重修

州志參舊有尊經閣明成化元年鹽運使龔敦知

州志稿州武英建

明婁芳創建尊經閣記節錄聖人之言
日經言出於賢人而得聖人所刪正者

重刊三卷月元
三十一三
學校
三

亦曰經滄學之建尊經閣蓋以諸御製經書及歷代墳典因取張伯玉記六經閣語以名之也學故在舊城國初隨州治遷長蘆判官紀惟仁創其規既而監察御史丁澄奉命理鹽政駐節於斯始葺舊而一新之廟學之制於是為盛而閣則未暇也芳也不敏幸因乏使繼丁之後乃與鹽運龔敷知州武英議合而作是閣焉其創建始未與夫歲月制度之詳既得以托諸名筆矣落成之日適余瓜期行李戒途眾謂亦正德六年流賊至滄憑閣攻不可以無述是為記

城事急毀之城保閣廢州志

學額歲科試各取文童十八名歲試取武童十五

名廩膳生三十名增廣生三十名三年兩貢州志參學

冊

考棚在城內張家衝衝渤海書院內東光緒九年

知州趙秉恆州人劉鳳舞等公建

州志稿趙秉恆建考棚記昔

者滄州書院二一爲天門一卽今之渤海也州志云天門書院有號房七十五間爲鹽院品騰諸生

之所又云

國朝雍正初升滄州爲直隸州知州董思任卽守禦

所廢址建學院學使按臨校士於中置考棚八十

楹其時拔取者鼎甲連綿位躋通顯人文之盛畿

輔首屈一指迨雍正九年滄州隸天津學院遂廢

天門書院因之俱廢惟渤海一院猶魯靈光巋然

獨存於今耳光緒庚辰夏余來牧是邦下車後時

晉紳耆講求文運因葺鐘樓以復形勝增義塾以

廣栽植建祠宇以勵忠貞所冀士習文風興復如

昨惟是校士之典尤重局試歷來鄉會則有棘圍

科歲考則有試院

功令所在莫此爲嚴亦莫此爲甚矧雲程發軔肇於

膠庠故令推轂尤宜慎始也哉方滄州全盛之時

童子試動輒盈千其時州治宏敞局試其間人皆

稱便及兵燹後州署無存官儼民居地頗狹隘彼

時大難初平應試者爲數無多猶易位置今則澄

清日久支運不與一屆考期擔簦赴試者紛至而
沓來迭次進次愈增愈衆非預爲之計仍借祠廟
權宜將事不惟限之於地勢不能容亦恐弊竇叢
生防閑非易一日者與諸紳耆再三籌畫以昔之
天門書院及學院廢址日久年湮不復可考乃於
渤海書院講堂後得空基一區南北長三十三弓
六分東西闊十五弓一分經營規畫形勢咸宜余
欣然曰得其所哉爰捐廉以爲之倡於講堂西建
文明坊坊中爲甬道東西建大廈四十間北爲正
堂三楹額曰梯雲堂四圍環以甬道道之外爲圍
牆牆東南隅闢小門門東一院建北房三間爲試
官閱卷之所又東爲廚房二間鑲房二間興工於
癸未二月之吉至八月望日而落成斯舉也統計
工料費銀一千六百餘兩州紳劉韶儀聞之欣欣
然樂與圖成其費余與韶儀二人同任之監修則
崔君唐輔總其成余君小瀛戴君普生陳君春寔
皆預焉從此人文蔚起展風檐寸晷之才無露處
終宵之苦芹香一采桂杏聯芳高步青雲拾級以
上則巍巍科第庶免滄海遺珠之歎豈不懿
與是又余與劉君韶儀所企望者焉是爲記

附旗童

滄州駐防旗童應試不由州官考送每遇歲科兩試願入應者本管佐領出具圖片送府府合州試一場別錄送院進額無定約十名內進一名亦不

歸學官管轄此例開自嘉慶年間奉有部劄至今

遵行

采訪冊 嘉慶四年十月十八日禮部劄飭嗣後駐防省分凡遇歲科兩試如有情願赴

考准其就近考試俟取進後再聽其赴京鄉試至童生赴考例應廩生保結但係初次考試尙未經設有廩生應由本佐領具結保送俟該處設有廩生保結之例停止

學田龐村地四十畝本官地爲滄民侵隱明萬厯

十二年知州張興行究實請作學田歲收租銀八

錢州志

又田二頃四十畝明鹽運使張雲翼置歲收租銀

十二兩

同上

塞里莊田二頃五十畝順治三年置佃戶王鑽承

種歲納銀十二兩

長蘆鹽法志

青縣守禦所地方彭家莊田一頃九十九畝三分

五釐六毫萬曆三十三年巡鹽御史余懋衡運回

馮學易知州何應彪置買東至滄州河西岸西至

高家莊南至楊家莊北至八里莊原田價銀九十

四兩九錢五分

長蘆鹽法志州志 明王顯仁置學田記節錄滄州舊無學田有之

自今日直指余公始我朝設鹽運司者六長蘆其一焉與州治同城而居每督鹽使者行部必先按蒞滄州以故士被陶成而沾恩澤者視他郡邑尤深如燈油之給書院之建賑貸之頒諸所爲作與士類者匪一朝夕矣獨念學田未置無以植恆產而貽遠謀督鹺直指余公乃從馮貳運之請發鹽課羨金若干令創置學田會郡守何大夫初政方汲汲于品隲以作養人材爲務遂捧檄色喜奉行恐後亦捐俸金若干連直指所發者共計金若干置學田若干畝召民佃種計畝收租如所謂困膏晷艱婚葬者咸取給焉事旣竣諸博士弟子請記直指諱懋衡號少原新安之婺源人貳運諱學易號乾所天台之臨海人大夫諱應彪號寓藩四明之慈谿人用是勒石以示永久且以防豪右之侵奪者萬曆三十三年建

馬廠地十三頃七十九畝本荒地乾隆十七年署

知州饒佺召墾收租爲文武生員科舉費學正賈

三獲等定有條規勒石

州志稿

北岸河身傍一段一頃五十三畝三分三

釐東至嶺子西至峯堆毛家莊科南至河北至隄

又北岸外東甜水窪地一段二頃三十畝東至嶺

子西至坑窪南至隄北至道又往西北一段一頃

入十畝東至溝坑西至荒地南至隄北至小胡家

口西甜水窪地一段三頃二十五畝東至荒地西

至毛家莊科峯堆外南至隄北至道南河岸身傍

地一段一頃二十畝東至嶺子東西至寶姓地南

至隄北至河又南岸隄外地一段三頃一十畝六

分七釐東至河頭西至荒地南至荒地北至隄州

學正賈三獲訓導湯廷芳率合學文武生員謹議

立石

運學在城南河濱明萬曆二十年巡鹽御史黃卷

題建二十一年罷改學爲永保觀

長蘆鹽法志參州志

天門書院在州署東明萬曆二十七年巡鹽御史

舉三才鹽運使何繼高知州盧廷選等創建今廢

州志 明楊廷蘭天門書院記天門書院者予同

里畢誠叔甫之所經始也誠叔甫以權鹽使者巡

行畿之南北諸所肇畫者若豐園課峙邊儲疏利

源通商旅業井井矣顧念畿輔入郡我國家規方

千里之地而生其閒者多豐綽博大智勇沈幾之

士究其所用真社稷之幹也夫國有可効之才而

不獲以士顯士有可以靖獻之日而不獲以學用

此無異故有司不素養之過也藉令乘有餘捐不

急以養士反經以示之趨羣萃州處以居之肆必

有出於其方而宣力王室者若榛栗杞梓然作之

屏之修之平之數十年後豈無茹其實發其響者

乎乃下令有司諸守令博士弟子員皆言古者化

治文熙莫不崇儒置學猶悼序彙不廣令得視精

華實息之地增置書院濟南閔子伏生河閔毛公

董相及孔安國梁統諸人史冊爛焉其軼事可槩

見也晚近操之若束溼薪舍此不講矣若毛董諸

賢非此鄉之先物哉而諸商等不無浸浸乎嚮往

之也公遂捐俸相土鳩工庀材向離爲門脩廣若

千尺入門數武爲堂堂脩廣若干丈堂後爲層樓樓脩廣若干丈又建諸生號舍若干間貯經史若干卷餼廩課資給以贖錢著爲令落成之日公率師儒以觀厥成且爲之勸學闡洙泗之源揭孔會之矩若探日虞淵而中天然也者夫自學術分而政教始歧爲二故憂政則以詩書禮樂爲老生之常談而憂教則以繩墨事情爲俗吏之末務無他政不足以造微則病教教不足以周務則病政各相持也交相蔽也如置蒜然蒜愈豐蔽愈多天下始受其敝今誠叔甫不然通商惠工造士爲之則飭憲貞度反經爲之歸是政之底績而教成也髦士式於化而稱詩說禮明揚天子之庭者必足賴也四民化於俗而親上死長以爲天子之金城者必足任也是教之底績而政成也今天下有崇極而圯國有必窮之疑朝有必爭之辯野有婆恤之戚園有旄旗之痛仁人之所憂任士之所勞志士之所憤萃此矣而吾一言以蔽之曰不知學知學則數十年之疑千百年之辨方二三千里之捍禦可斯須而決可頃刻而定也此非臆說也可言之而不可以行之則聖學爲空虛無用之物而考三

王侯百世皆虛語矣誠叔甫以學化士以士化天下葆於未斲之樸澄於未汨之源豐綽博大智勇沈幾也者斐然願化確然獨詣學得質而速肖質得學而善成畿輔之地其將有大君子與其聞乎故非學不能使政教出於一非政教出於一不得化民以成於學此誠叔甫嘉惠之微旨矣誠叔甫誠心深識獨觀於昭曠其治雖臺可信傳者有挈令在不具志志其書院之本始如此院垂泐會誠叔甫按事竣直指使者慎修甫偁公往代院中事宜諸所未憲者慎修甫之經飭也尤幸得撫臺夢池李公主盟道學雅志作人聞是舉而悅之獨贖錢如干爲助兵備天津道許君錫甫協謀邦基汪蔚翔甫踵至營度周詳後先共濟適成樂育而運使何君繼高董其事運同張君文奇判官尹君作賓與有賢蹟滄州盧君廷選綜理最勞所當併記蔡啟盛案此記州志失載特從前志備錄之

渤海書院在城內張家衛衛嘉慶年間創建道光

二年知州潘國詔重修同治元年知州聯雋州人

戴作霖等復重修光緒九年知州趙秉恆州人劉鳳舞等增修並建立考棚於內書院膏火由每年地租及生息收銀七十三兩三錢一釐三毫收地租京錢一千二百二十串零八百十八文爲院中經費此外又有劉鳳舞捐助京錢四千串發商生息三年合計分給諸生爲鄉試公費知州駱孝先定有條規勒石

州志稿

滄曲書舍在城南運河南岸

州志

朱軾滄曲書舍

書舍者舊爲滄州張延緒之別墅去郭二里許三面距河廣七畝有亭翼然顏曰野雲怪松虬栢雜以嘉木夏荷秋菊過而留題者無虛日歲雍正癸卯予總試南宮得滄州李生之嶧越明年甲辰復

總試南宮得滄州李生之曄及來謁兄先弟後循
循有規矩叩其所學以敦實行崇正學爲仔任著
有敬業錄及儀制水利漕務榷政諸條議洋洋灑
灑從體認涵養中沈思融貫明體達用準乎古復
酌乎今以之見諸敷施皆有成效予心竊嘉之然
素性恬退不汲汲于仕進窮居奉母頗以孝聞又
能仰體慈懷所學以甄陶後進其始于城居西南
隅葺卽山房以資講習後從遊日集舍不能容三
年乙巳春與張延緒改卜野雲亭捐資經始庀材
鳩工建講堂三楹學舍五十餘間築山鑿池蒔花
植樹不匝月落成一時負笈而來者近百人其訓
迪多士也先器識後文藝循朱胡二公遺規大書
勵學入則砥志以端趨向敦行以黜浮薄讀書以
化氣質親賢以共切劘心欲虛以弘茹納形欲勞
以重擔荷範身矩矱而比節于禮陶情吟咏而比
和于樂凡三輔先達及兩關所得士莫不津津道
之予每憾不獲躬履其地與諸生一討論也會隨
怡邸視河過滄時李生之曄亦從予奔走河干延
予停半日驂以啟牖多士初入講堂聯翩來謁者
蓋彬彬如也旋遊旁舍曲廊窈戶與花竹相掩映

閱其課程經書性理外以大學衍義爲根抵不攻制藝而文與詩皆斐然可觀李生旣從役其舅氏左方爨爲之董率諸生多所成就吾知此地之克昌也夫學須靜也才須學也靜極而動理數之恒予爲俯仰臺池周覽花樹會見芝九莖而蓮雙蒂也菊呈異彩而木生連理也其師表堪備國楨而衆材皆爲之榦也將接踵鸞湖媲美鹿洞則西河之流不竭東山泗水亦可溯派而尋源也予爲額其堂曰敬業樂羣復題一聯云無繩繫日這一寸光陰莫教任著他容易放過有路登天那幾層階級直須拚的我實地踏來李生勉之亦與同學諸多士共勉之可乎時雍正五年歲次丁未上元後五日

記

社學各坊里俱有社學選文行兼優儒童充社師

訓課蒙童今久廢

州志參
州志稿

義學 一在城內東街康熙五十四年建

舊通
志

一在新縣鎮真武廟內康熙四十一年建

州志
蕭蓼新

縣鎮重建真武廟并建義學碑記節錄備三傳君樂施予敬神明不吝百金之費遷元武廟於鎮北施地一頃二十畝以供神廟之香火余因以義學一事謀之於君君慷慨力任其事會鎮中有德望者數人立社積金共勸厥事建立講堂三間置學田三十六畝爲延師講學之資若非刻石以傳不朽不惟沒諸公之善且恐其久而輒廢也爰勒之碑以告來者康熙四十一年歲在壬午記

一在城內文明街道光八年天津府糧捕同知孫

豫元知州潘國詔設州人王珣捐京錢五百千各

紳共捐京錢二百五千每年收息一百五十千零

歸儒學管理二十年知州張欽祖又於南門內闢

帝廟設義館又捐京錢三百千今俱廢

州志
稿

一在包公祠光緒六年樂字營統領丁德昌重建

州志稿 丁德昌包公祠義塾記祠內舊有義學歸鹽務裁去經費停止有年茲祠宇既新義學更不可廢爰撥款延師規復其舊學生以十二人爲率經費均由撥款無庸學生自出其餘本營欠餉暨前長蘆運司林自運庫開款項下籌銀六百兩德昌復捐銀一百七十餘兩購朱里口莊孝二里行糧地二頃二十四畝佃歲收租錢一百六十千文又經臬司丁捐助京錢八百千文交劉紳鳳舞收儲每月一分六釐行息歲得息京錢一百五十三千六百文擬歲奉塾師束脩京錢一百二十千茶炭等項京錢三十六千抵此款外餘息歸祠公用光緒六年記

長蘆義塾光緒十二年批驗所大使王鳳岡建

州志

稿 經費記略青靜滄鹽甯武交阜東光河開景州鹽商捐京錢一千二百千文又運憲發銀四百兩易京錢一千三百零四千文又津海關道憲捐銀一百七十兩零易錢五百千零會同州牧發當

商作爲成本按月一分行息歲得息錢三百六十
千文遇閏加增擬每歲塾師脩金京錢各一百二
十吊節敬各十二千贊敬各四千每塾齋夫工食
各二十四千每年茶水及冬季煤炭朔望香燭約
各二十五千學中一切支應均由董事按季支送
不經更胥手年終榜示造冊報查似此辦理交發
既有的款不難爲繼庶期以垂久遠立學之初添
置書桌椅檯器具及生徒需用書箱筆墨紙張等
項均由批驗
所捐辦給發

道署義學在渤海書院講堂東名秉仁義塾光緒

八年天河道額勒精額建

州志稿 薛景清秉仁義塾記光緒八年之秋

值額公裕如觀察津沽政通人和百廢具舉因念
寒賤子弟無資供讀爰於津河兩府屬設立義塾
二十所延純謹士爲之師每塾徒以二十人爲率
給膏火創條規無非欲養其固有之天良而充其
本然之善也故義塾悉標以仁名俾知觸目驚心
各守乃性如天津之裕仁允仁靜海之培仁會仁

青縣之安仁滄州之秉仁南皮之瞻仁鹽山之陳仁慶雲之敘仁河間之清仁獻縣之贊仁阜城之祖仁肅甯之陶仁任邱之惠仁交河之繩仁甯津之保仁景州之景仁吳橋之佐仁故城之蔚仁東光之永仁而其命名冠首之一字或取彼邑之舊號新稱或因督建之人名姓字亦欲居是邦者顧名思義不使經理之人沒其慈祥之德耳迨額公擢任長蘆運司恐各塾始勤終怠有名無實特屬景清總司查察每歲周歷各塾詳加考稽以期核實愈以見額公保惠之忱甄陶之雅所培植兩郡寒儒贊我

國家樹人之化者當移任之初而益廛其懷矣今額公以憂去官更籌鉅款爲各義塾永業詳請立案並命景清仍司其事務期歷久不廢又何其周詳乃爾耶景清自顧何人受其重託敢不竭蹶圖事致蹈誤人子弟之愆自茲以往惟願教者勤其海學者敬其業司事者並清白乃心無虧其職庶不負額公殷勤化導之苦衷而景清亦藉可告無罪也已

爲記

南皮縣

縣學在縣東南隅元至大三年縣達嚕噶齊忽辛

縣尹司謙修建

元張會理修文廟記南皮古名縣廟學在焉舊制窄狹不能大聖人

之居至大三年夏監邑忽辛公蒞政謁廟見其卑隘荒頓同縣尹司謙等議當大崇建衆乃協心戮力首出俸金爲倡耆老百餘家節次津助委知營造者寇輔等鳩工蕪事收市木植燒造甌甑值秋大熟於農隙之月卜日營作民之丁壯願趨共役監邑躬親督役於外風雨寒暑不恤司尹等計工程度費用運助不已爲戟門爲講堂爲學舍爲垣牆爲兩廡次建大成之殿簷牙高啄柱石竄立枕古塙瞰泮水望之者肅然生敬稱其制矣經始于至大之秋休工於皇慶改元之夏自是輪奐一新俾後之學者春秋釋奠朝夕仰瞻豈不偉哉

明永樂閒知縣張通正統

閒知縣陳毅江漢景泰閒知縣牛增弘治閒典史

張瓘正德閒河閒府通判劉寶崇禎四年知縣藍再茂俱重修

國朝順治十二年知縣吳之鎮十八年教諭韓燮珩

俱重修

湯鉉重修文廟碑記節錄庚子夏恆山韓先生燮珩世德作求家學淵源以科第振

鐸南邑祇謁文廟見其掌唇崩牆碧疎脫準大懷怔營悚仄之心遂邀集邑侯紀公中含捐俸首倡以爲質的韓先生自出囊金二百我紳士量程計工各捐重貲共輸千有餘金故殿宇墻廡堂齋戟門次第修舉自辛丑肇舉歷壬寅癸卯三歲始告成焉於是橘星璧池筍虜在列登其殿者如入孔室而聞金石絲竹之聲丹雘黻儼而高居瞻其堂者如見聖人而親申如天如之容其於古之庠序亦幾無以異矣遂條次其事而道光二十九年

知縣趙士桐教諭單維模訓導金聯甲重修

縣志

學額歲科試各取文章十五名歲試取武童十二

名廩膳生二十名增廣生二十名二年一貢

同上

學田舊黃河內葦地二十餘頃

前志失落已久

縣志

城北地一頃知縣周南置

前志

城東宮家莊地一頃五十畝知縣李正華勸縣人

湯性魯施

唐里行糧地一頃一十四畝

俱同上

額設學田地十六頃八畝五釐各徵銀不等共徵

銀四十七兩八錢八分七釐

縣志

瀛州書院在城東北明萬曆三十年知縣李正華

建今廢

同上

明李正華創建瀛州書院碑記節

南皮於是歲禱薦加海波仍沸操刀試割捧檄代
庖河南來親愧乏中牟之三異京西奏狀慚非王
子之十奇保障之績既微絃歌之化斯渺如其禮
樂以俟方來暨閱歲滋深更張有漸承流之任雅
切甄陶於是相彼膠林普增勝概文昌有閣峙列
巽隅要以拱衛星門闢鑰靈氣高可盱衡大不踰
武所爲借神居以培地
脈於人道未見其邇也

清風書院在城內北街乾隆三十六年侍郎曹秀

先題額

縣志

社學 一在北街東 一在南門外各設教讀一

人知縣李正華以馬廠空地易黃盾賢地二十畝

爲教讀贍養之資康熙九年北社學傾圮張福蘊

以城東南正地四畝一分易與教讀承種有單照

並鄉約公呈

縣志

義學 一在城內南街 一在城內北街 一在

南門 一在董村鎮 一在泊頭 一在大吳家

莊俱康熙五十四年建

舊通志

今皆廢

縣志

道署義學曰瞻仁義塾在清風書院光緒八年天

河道額勒精額建每歲經費由道庫發給津錢二

百二十千

同上

鹽山縣

縣學在縣署東南原在舊城東明洪武九年徙築

縣城知縣吳文靖移建今縣署西正統八年知縣

潘恕訓導邢鳳修天順四年知縣林惟盛修

明重

修廟學碑節錄鹽山古爲冀兗二州之域於聖朝
爲畿內鉅縣其學之建置不知起自何時洪武初
縣令元城宋公訥大改作之置弟子員復其家使
樂趨於學又躬爲講明道德性命之說博之以詩
書禮樂之文使其知士之所以學蓋有在於科舉
文字之外者於是縣人學子知所向慕而進專力
於學而有成焉今旣擢爲祭酒且歿矣其流風餘
教之所沾被者有掇高科登顯仕奕奕有聲譽若
今太子太保吏部尚書王公厯官幾五十年直諫
簡重壯老如一日又其中之傑然者也景泰七年
新建林公惟盛來爲縣令以故事見於先聖之廟
視其屋皆敝漏而禮殿爲尤甚俯仰歎息以爲學
校弗修實爲令恥而謀諸僚友縣丞清河李輅主
簿舒城周海典史蘭陽曹榮經度其財貨之所自
出要以不勞於民爲善民間之感義而起出金以
助其役者數十家而貧者亦相率効力恐後始功

於天順改元之春越三年而就殿堂宏敞門觀顯
嚴貌象丹青皆應圖法至於齋舍庫庾庖湍之屬
靡不煥然而新遂合羣吏率諸生釋菜以落之於
是爲之記使刻石以傳且示後之令於此者嗣爲
之勿替也成化三年知縣武震修宏治十一年知縣劉

銘修十六年知縣喻嶽修並建會饌堂

明陳謨建
儒學會饌

堂碑節錄按鹽山之學舊去今縣治東北四十里
自洪武初徙建於茲雖累得邑侯相代修葺然經
久就圯而不可支於宏治間得光州喻侯嶽來宰
是邑適於下車之明年詣廟徧觀太息久之遽以
改作爲己任無何而羣役効職克新厥制及見饌
堂淪湮遺址且逼隘而曰有學校而無饌堂其亦
典之缺者遂相厥地而得廟之西廓予閑曠誠足
以基然猶不自專也適申明巡撫王公提學陳公
府主陳公而定之退而謀諸僚友司丞李君時判
簿安君昇張君瑄蓮幕魏君傑贊其成者則有司
訓李君果而缺亦以分敘與其廩生劉春輩感侯
雅德而弗忍置乃糾衆句譔爲記而更立石以鐫

之正德十三年知縣甄仲袖修

明許成名重修廟學碑 縣志云文

未與雅

十五年知縣張思溫修嘉靖十年知縣時

尙儒修隆慶二年知縣蘇性愚主簿王角修

明薛廷熙

重修廟學碑節錄隆慶二年春余拜命備員監校
容有言於余者曰鹽古冀充鉅邑也邇稍稍罷吾
鄙過焉視學舍牛園蔬矣子文學官也曷亟白於
有司葺而完之乎是年夏余之官謁夫子廟下則
馬星門兩廡業已更新而大成殿戟門構榑撓腐
尙不蔽風雨庭涂周垣級甃四圻猶舊焉余詰之
弟子員云校圯有年矣頃長令府谷蘇公性愚賢
倡其議謀諸簿應州王公允庀工度資經始於歲
之三月甫駮駮就緒則蘇公以內艱去悉董諸王
公而部刺史亦以王公才下檄委重焉若今廟之
成王公責也余矜其說則偕司訓商河徐公一誠
日與王公襄之乃王公亦毅然爲已任視篆之餘
輒軫念於斯四閱月而輪奐闕屢結構密廟貌
之嚴足以棲神靈昭大觀矣殿後有敬一亭亦日

就頽塌又明倫堂對峙於制匪宜乃度堂左拓基而新之增舊營二堵焉學故有名宦鄉賢祠歲久而涇公議余勅之葺古饋堂稽邑志立扁肇記俾文獻足徵曠典攸復厥功告成弟子員請憲諸貞石以垂不朽役言於余記俶事迄竣工爲贊幾二百金出於贖繼以贏財而王公與邑史南安謝公賜前學博今陞金華別駕閩人鄭公克會余泊徐公各捐薄俸助之而趙生洋陳生梅楊生四知許生竣輩凡若干人輪助有差若董工役則省萬厯祭官傅君坡賦其事咸有成勞法得並書云

四十年知縣劉子誠修天啟三年知縣馬泰紳修

明霍用行重修廟學碑節錄文廟建久矣其先圯者幾修者幾弗悉也惟是當極變而維新則今日之事有足紀焉鹽山邑侯馬公諱泰紳青齊之商河人也起家孝廉以覃恩授文林郎治邑之二載有奇清風凜凜政績炳如也業已爲臺臣所薦然學宮爲首善朝廷普菁莪之化樂育英才所也廟舍門牆多士所望而赴於此不備於何講學於何明倫於何觀人文之濟濟爲風化倡政即美有遺

議矣侯更有足嘉者鹽自二年之壬戌水城垣廟
宇盡仆於地惟正殿雖不崩然椽桷瓦椽零落者
十之五橋星戟門摧折者亦十之五自明倫堂以
前一望汪洋盡波澤也雖數月水涸然無復障蔽
坦然一空隙地縣衙學舍通連爲一廣文之居者
來者率假外舍亦大變也侯甫下車目擊愕然卽
欲繕而時隆冬兼以歲祲事遂寢蓋侯之仁心惜
民財更惜民力也明年春侯曰可以興矣卽請作
於當路稍捐俸給工其材木輒贊之不足者悉取
資於義田則邑善人劉宗良所施率未動民已設
董工復身爲勸課務在亟乘蓋不數月而門廡號
舍殿宇牆垣煥然改觀舊時規模復見於今日此
雖費有所需而教護屬工經營措置則侯之勞也
時當告成廣文與諸弟子欲立石紀功質之於子
子曰是功大矣遂紀之及贊理工務則邑簿崇禎
王家圭邑尉張子舉亦與有勞焉例得並書

十年教諭陳國楨修十三年知縣李雲程修

國朝順治九年知縣張仲科修十一年教諭田震修

康熙五年知縣費鉉修九年知縣朱鸞修十二

年知縣黃貞麟修

張文炳重修學宮碑節錄鹽之有學其始不可考而特著於明

初之宋公訥述其起爲祭酒諡文恪其興學也必先講於孝弟力田仁義道德之重且大者而非沾沾於文藝之末可知也迨洪武九年吳公文靖遷新邑於茲而學隨之夫亦心宋公之心者其後三十餘年而王忠肅公翱出於其閒爲五朝名臣聲施天下後世爲一邑光繼此科第蟬聯不絕豈非流風遺澤培養深厚教化之所及爲不誣與自是之後學宮或興或廢不知其幾今海內承平盡裁天下司李改授縣令而卽墨黃公貞麟以進士先李鳳陽有聲康熙十年秋補蒞茲土公履任二年吏民不忍欺國課兩徵不煩追呼敲扑以時輸納恐後訟獄衰息縣庭寂然可以卧理雖漢之循吏奚以過焉而公曰曩昔周覽學宮惻然於心久矣於是鳩工庀材一如素所經營者謀爲久遠計而某某分任某事亦罔不殫厥心頽者葺之勳者新之缺者補之無者創之自正殿內外以及泮池周

垣煥然改觀而公又期日上明倫堂講鐸書於斯課諸士於斯務先明乎孝弟力田仁義道德之重且大者不以空言愚吾民不以末藝陋吾士又所謂心宋公之心者乎而今且以異等擢爲民部前路固不可量異日者化行俗美培養深厚復有王忠肅公輩挺出其間聲於天下後世爲一邑光是黃公之志也夫是黃公之志也夫鹽人士勉乎哉

四十八年知縣楊可喬

修五十八年縣人王業隆修雍正二年知縣李躍

龍修乾隆五十年圯於水嘉慶三年縣人趙廷翰

等移建今地

吳省欽移建學宮碑 縣志云數典未確不載 吳邦慶移建學宮碑節

錄隋開皇十八年高城改名鹽山沿仍至今其學宮創始明天順時柯學士榮碑文已云無考惟載宋公誦令是邑大改作之置弟子員復其家并論以道有在科舉文字外者致明史宋公在元至正間令鹽山旋棄官歸明初徵辟再出官至祭酒舊碑蓋考之未審也自元至明迄明天順隆慶天啟

暨

國朝康熙十二年已七次修建矣基趾舊在縣署西偏地勢窪下乾隆五十年後圯於水嘉慶改元歲大熟邑舉人趙廷翰訓導張進貢生李鈞生員張士廉等請于邑侯鄧公元煥移建東門內而以劉子恪侯董其事基位亢爽神人胥悅凡用金一萬有奇自七年落成

道光三年知縣朱希賢修咸豐

二年知縣尹式芳等修

前志參縣志 尹式芳重修聖廟碑節錄 湖邑改建

文廟肇於嘉慶丙辰其積修也以道光辛巳迄今又逾三十稔矣久漸圯敝弗稱瞻仰前令王君虹首倡捐修會調任去未覩厥成癸丑秋余宰斯邑適鹿君鍾理徐君芬兩廣文加意翼校慨然以提衡是任邑諸君庀材鳩工起大殿兩廡戟門櫺星門崇聖祠明倫堂暨名宦鄉賢忠義祠並牆壁角樓以及奎樓文昌閣悉次第舉工經始于壬子仲春落成于癸丑嘉平輪奐丹漆視舊制有加焉並以訓導學署久廢創構新區於廟之西偏計共費銀一萬八千有奇各紳捐輸及數者八十餘人援

例聲明均邀議敘董事
諸君榮膺職銜吁盛哉

學額歲科試各取文童十八名歲試取武童十五

名廩膳生二十名增廣生二十名二年一貢

縣志

學田 城東三里莊地共三頃明萬曆中縣人劉

永昌父子相繼捐施其錢糧詳允開除歲收租銀

二十兩

縣志 明丁天曜義施學田碑節錄鹽山
古浮水東濱滄海於河開爲斥鹵文皇定

鼎之初徙今治而學與俱遷垂二百餘年迄今
甓如故棟桷如故櫺檻如故士之奉俎豆肄詩書
者靡不樂遊於其間然設立學田尤養士之法諸
郡邑多有之而鹽庠獨無誠闕典也壽官劉宗良
素懷扼腕囑其子義施學田厥子孝廉永昌遵父
遺命卽割郭外腴田百畝充之又廣父之惠捐貲
置買近城二百畝併爲學田邑侯王公義其舉爲
請於上時撫臺新公學臺李公左公按臺王公郡

守柯公咸下令嘉譽示鑄石以垂永久侯曰磨世
勵俗長民之事伐砭表美其何敢愛焉以余有司
教之責而學田其所掌也命爲記以識之余謂推
巖賑賈澤施一時者有限流恩廣濶事垂經久者
無窮自成周養士之法廢二千餘年孰有如劉
氏父子爲之振起顏風培植士類使人人如此宇
宙太和之效不幾再見乎又如捐社學義學貳區
各施田二十畝建李公祠捐田五十畝睦族人立
義田三百畝種種義施皆出自劉壽官遺言其子
孝廉君遵而行之者平昔之善行尙難縷指宜上
之人思表揚而急旌之也因並列其事爲來者勸
庶於侯鑄石之意爲不負云侯諱會圖漢之隆陽
人蒞治四載餘以最聞別有惇史記之茲不著是
舉也董工則邑簿唐時邑尉牛綽同理田租庠友
以貢選則劉思德劉惇德今領辛酉鄉薦趙洪錄
諸生則霍堂左望瀛祁景時劉芳譽與有勞績柯
得併

國朝順治十四年部議學田除振濟貧士外餘銀解

部後竟全解康熙十一年知縣黃貞麟申准仍存

振濟縣志

香魚書院舊在興文街西乾隆三年知縣金世昌

建縣人李士晉捐田六頃屋四十七間於院陳弘謀義

學田記節錄乾隆三年春奉
命來巡津河兩郡之地念茲密邇光華人文鼎盛迥非遠

聖天子
眼可比而致之不可一日不修學之不可一處不
設其責正同下車後檄行所部竊惟恭逢

敦崇教化培育人材有長民之責者諸所謂爲訓
行化導之事宜如何銳意振興詳加擘畫以求實
效而不僅沾沾於簿書期會循日行之故事忘治
化之木圖也無何果有鹽山令金君世昌率先經
始於城南建置香魚書院而邑之明經李生士晉
遂捐千金之產以贊成之自是肄習有其地訓迪
育其人廩給有其資邑之志於讀書者咸得居肆
以成事焉有感必興如響斯應今之繼李而起者

已有羊爾莊監生張宏璽其人矣余既嘉李生之
好義爲之請題獎勵而又懼盛舉之久而或替也
爰列其學舍田租而爲之記其條規書籍三十五
行且與金君商榷頒發以爲誦讀之資焉
年知縣彭良鸞縣人李秀閻重修彭良鸞重建香
魚院碑 縣志

云文已漫後圯咸豐七年知縣李景沆移建東門
池不載
外大街北前志參
縣志

書院田 楊家地六頃縣人李士晉捐助每年租

價京錢二百五十千縣志

大高莊地四十二畝每年租價京錢十七千

張家莊地六十二畝每年租價京錢十六千

汗灣頭莊地無畝數每年租價京錢十七千六百

八十文

徐家河莊地一頃每年租價京錢二十千

李振字莊地五畝每年租價京錢四千九百六十文

衝寺口地十頃同治六年縣人張保璿遵其父書

甲遺命捐助

俱同上

社學 一在縣署東卽今預備倉址明嘉靖間知縣時尙儒建後改爲府館隆慶二年主簿王胤移建學西後圯

國朝乾隆二年知縣任宏業移建小南門內西偏後

又圮

縣志

一在望樹鎮西街北明縣人劉士彥建

後圮

同上

義學

一在城南香魚書院東 一在文昌閣後

乾隆二年知縣任宏業建

前志

一在城東北羊爾

莊乾隆三年縣人張宏璽捐建并置田百畝以資

膏火

同上

一在王忠肅公祠東明萬曆四十六年

縣人劉永建今圮

縣志

一在城南帽圈鎮康熙五

十四年建 一在城內西大街雍正二年建

俱同上

一在城東北羊爾莊雍正九年建

縣志引舊通志

道署義學曰陳仁義塾又陳仁分塾光緒八年天

河道額勒精額建

檣案

慶雲縣

縣學在縣署東南明洪武六年知縣楊思義建正

統四年知縣王恭增建櫺星門戟門射圃齋房成

化開知縣唐瓚宋漢相繼增修並建明倫堂退省

堂進德修業兩齋

明劉健重修廟學碑記節錄慶雲爲縣隸河閒府太宗文皇帝

肇建北京實爲畿內縣學之建久矣老屋支持不蔽風日師生講授於中者病之武昌唐君瓚來知縣事始有廢墜之歎借縣丞韓君聰主籌高君明典史陳君舉重修之謀以成化丙申秋經始功未就緒君丁外艱去越己亥冬東萊宋君漢以名進士來知縣事因之益增飾工乃訖自明倫堂東西齋以及師生廡舍皆煥然一新又增修退省堂三楹爲師生燕息之所既成宋君等率官吏師生置

涇落成僉謂宜有文以記歲月訓導石州白君以
書來白君嘗一見於京邸蓋謹飭之士也故因其
請記並以爲學之方告於縣告於學與弘治七年
其諸生共勉焉成化十六年二月立石

知縣趙廷麟繪飾殿廡嘉靖十年知縣李世臣奉

制建啟聖祠十一年詔立敬一亭並五箴勒石二

十八年知縣李宋重修縣人胡顯宗置祭器明張

修廟學碑記節錄我皇明自洪武二年干戈甫定
卽詔天下郡邑皆立學期於化民成俗以復先王

之舊意至厚矣慶雲學自始建至今惟正統及成
化間一再修之舊制復卑陋弗稱歷年滋久敝可

知矣嘉靖甲辰冬質菴李公來知縣事詣學謁聖
廟見陋敝狀惻然以爲己責亟欲新之顧邑方凋

瘵力未可爲旣而政行務舉壅滯疏決乃與僚屬
及邑之士夫合謀修舉且捐俸資若干以爲倡眾

皆樂從遂請於當道卜日戒事止役百夫務閑而
舉農輿輒輟以爲常凡輒石瓦甃工匠餽廩之需

皆約已節用以爲之所劑量輕重大次第舉之經始於丁未之冬歷已酉春而事畢役雖久而民不以爲勞費雖多而民不知所出蓋深得夫大易節以制度說以使民之義士衆咸喜請記之龍辭不獲遂記之李公名宋字承般爲邑有惠政清譽其他所建如城郭倉廩橋梁館舍之類未可盡舉後當有名筆記之茲不贅嘉靖二十九年歲在庚戌六月吉日立石

隆慶元年知縣熊

傑增崇殿基覆以翠瓦增設樞星門萬曆四年知

縣薛居方鑿泮池九年知縣王三益重修明倫堂

崇禎九年知縣李扶十年縣人胡璜等各加修葺

國朝順治十六年縣人崔儲類補葺正殿四角康熙

五年知縣盧元培重修正殿並葺啟聖祠明倫堂

尊經閣六年縣人王祚熙修兩廡九年知縣李居

一修橋星門三十三年重修尊經閣乾隆四年知

縣鄧岫重建明倫堂

鄧岫重建明倫堂碑記節錄

戶多凋敝歲有災禱各當事竭歷扶傷不遑學校
是問以故荒煙零落鞠爲茂草癸丑冬余奉委署
篆謁聖廟慨然久之遂有重建議明年春調署井
陘事以不果乙卯余復蒞茲土於是商諸學博創
捐簿一時紳士亦莫不欣然樂助爰擇吉興建始
於己未之夏歷秋杪而落成董其事者劉君顯世
馬生永齡也是役也所費弗繁所關實鉅願列膠
庠者先之以道德輔之以文章履其地思其義比
閭族黨咸知弊倫之大身體力行斯須勿懈是則
余之所厚望若第以爲修舉廢墜而不知其所係
在身與家國天下之重焉則將等諸尋常復名勝
修古蹟之舉而豈余今日重建斯堂之志也與是
爲二十九年署知縣汪喬年重修

金文洎重修慶
雲縣學記節錄

慶雲本古無棣縣前明洪武初始析置邑令楊思
義移廟學於今縣之東南正德嘉靖萬厯間遞加

修葺規制始備歷年既久至

國朝康熙五年邑令李居一復重葺焉今又百年矣

雖殿宇巍然而樞星頽廢泮池淤圯照壁闕門而未備歲在癸未予自襄國調守於津汪君繡林以

丞銜署茲邑謁廟之始卽慨然爲己任捐俸若干

金勸率紳士亦均踴躍者共得白金四百兩有

奇重建樞星門三椽建東西兩闕門圍以重垣中

爲照壁戟門之壞者補之泮池之圯者葺之正殿

兩廡莫不虔加整治工未竟而力已竭予行春至

縣敬往瞻焉乃益以公費百金用觀厥成由是神

廚供几階陛甬道文昌魁星諸閣罔不墜茨甃

丹堊煥然蓋首事於仲春告竣於季夏邑之紳士

無不欣欣喜色相告慶文教之有成也汪君名喬

年安歲六安人襲之者教諭秦其昭東安縣舉人

督工首邑孝廉三十一一年知縣李蔭椿重修尊經

閣嘉慶元年知縣張元英重修兩廡十四年知縣

潘國詔補葺縣

志

潘國詔補葺縣

志

學額歲科試各取文章十五名歲試取武童十二名廩膳生二十名增廣生二十名二年一貢縣志參學冊

學田縣東田一頃五十畝明嘉靖十八年教諭祝

繼元置

縣志

縣北田三十畝明萬曆元年知縣劉應兆置又增置四十畝無攷

又田八畝一分乾隆二十四年教諭高捷訓導鍾士偉置

凡二百二十八畝一分其四十畝無攷覈其存者

今六爲田一百八十八畝一分

俱同上

古祿書院在文昌閣東初爲義學乾隆三十九年

知縣白貽遠建

白貽遠新建義學記節錄丁亥春余恭膺

簡命承

乏斯土甫下車卽詢之父老求所謂義學故址歷久傾圮興廢始末已不可考時卽慨然以修復爲己任顧以災歉頻仍撫恤方殷諸務叢脞未遑也數年來壅滯稍疏乃與一二僚屬及邑之士大夫僉謀修舉且捐俸貲以爲衆倡衆亦莫不樂輸共得金若干乃庀材鳩工改卜隙地於巽宮之東偏旣近奎光又遠塵市爰先建講堂三楹以植其基凡羣房門牖漸次增修又慮脩膏無出於檢校簿書之際得地三頃八畝內腴地若干召佃認種通計得租價銀五十兩以其四爲師生薪水之資以其一爲隨時修補之費越三載厥工旣就余方幸蒞事之易而邑之士大夫亦共樂創建之有成而又慮其久而或湮也咸請余記之

六十年知縣張元英卽其舊址

修葺講堂增東西學舍各三間扁以重門門爲塾
四後堂三間東西耳房各一書院收租地凡四頃
八十三畝九分有奇

縣志

社學在學宮東康熙十五年知縣李興祖建久廢
同上 李興祖社學碑記粵稽社學之制所以造
就孤寒補敝起廢爲

國家教育人材之一途蓋亟亟乎不可緩也慶雲人
文鬱秀甲於瀛郡負奇抱瑰多出貧窶昔有社學
久遭兵燹頽廢無存今

聖天子

右文敷治以興教化爲首務余忝牧茲土職居師
長忍膜視不舉棄其俊髦乎於是商諸學博許君
司訓張君縣尉王君暨閩邑紳衿以社學之建毅
然身任劍捐薄俸共助資糧鳩工具材相學宮之
震位構講堂三楹門房一楹左右廊廡六楹自是
孤寒伸志擔簦負笈朝夕誦不虞潛修無地訓
迪無人將見人文蔚起殆必有邁於前人者矣康

熙十八年八月吉日立石

義學在學宮旁康熙五十四年建舊通志

道署義學曰敘仁義塾光緒八年天河道額勒精

額建稿冊

補遺

津郡試館在京城西豬市口創始未詳采訪冊

天津縣學額同治五年長蘆商人捐輸請准增文

武永遠學額各六名又竈籍文武學額各一名自

同治六年歲試始同上